

# Powšitkowne WOZJEWJENJA

njedźelu, 23. awgusta 2020

## **„Džak a próstwa“ – Putnikowanje na Marije naroda do Róžanta**

Wěriwi ze serbskich wosadow su na swjedženju Marije naroda wutoru, 8. septembra, na putnikowanje pod heslom „Džak a próstwa“ do Róžanta přeprašeni. Předpisanych wotstawkow dla budu kemše hižo we 18.30 hodź. na putniskej łuce. Tež dapołdnja w 9.00 hodź. je w Róžeńće Boža mša. Dyrbjała-li so situacija změnić, so to njedźelu, 6. septembra, wozjewi.

## **Kemše za wučerjow a kublarjow**

Wšitcy wučerjo a kublarjo su wutoru, 25. awgusta, we 18 hodź. wutrobnje na Božu mšu do Róžanta přeprašeni. Je to poskitk, so w poslednim prózdniskim tydženju tež duchownje a z Božim žohnowanjom na nowe šulske lěto nastajić. Přeprašeni njejsu jeničce či w aktiwnej službje, ale tež wuměnkarjo runje tak kaž či, kotřiž so na tute powołanje přihotuja.

## **Zetkanje samostejacych**

Samostejacy ze serbskich wosadow su na swoje přichodne zetkanje wutoru, 1. septembra, w 14 hodź. do Domu biskopa Bena w Smochćicach přeprašeni. Zajimcy njech so prošu hač do wutory, 25. awgusta, w redakciji Katolskeho Posoła přizjewja, telefonowe čisło (0 35 91) 55 02 12. Tež dalši zajimcy su wutrobnje witani. Kóždy njech sej prošu Wosadnik a masku sobu přinjese, wšako maja so hygieniske předpisy kubłanskeho domu dodžeržeć. Štóž chce wotewzaty być, njech to prošu zdžěli.

## **Wulět dekanatneje młodžiny**

Wutrobnje přeprašujemy serbskich młodostnych na wulět njedźelu, 30. awgusta. Započnjemy w 15 hodź. z młodžinskim nyšporom w Róžeńčanskej swjatnicy. Přizamknje so přezpólna hra geocaching pod temu „Back to the roots“ (Wróćo ke korjenjam). Wječor wuklinči ze zhromadnej wječerju a spěwanjom při lěhwowym wohenju. Wot kóždeho wobdźělnika zběra so přinošk we wysokosći 3 eurow. Hygieniske předpisy maja so dodžeržeć.

*Dekanatne dušepastyrstwo za młodžinu*